



UKA 2023/27

27/9-2023

Bjørk Lange Olsen

**Siunnersuut uunga Suliffissarsiortunut ikorsiissutit pillugit Inatsisartut inatsisaannik allannguineq pillugu
Inatsisartut inatsisaat**

**(Qaqugukkulluunniit tamanut ammasumik suliffinnut nittartakkami il.il. suliffisarsiortutut
nalunaarsortinneq)**

(Isumaginninnermut Suliffeqarnermut, Nunamullu Namminermut Naalakkersuisoqarfik)

(Siullermeerneqarnera)

UPA2022-imi amerlanerussuteqartut Demokraatit avataatigut pisortat ikorsiissutaat aammalu suliffissarsiortunut ikorsiissutit pillugit inatsisit arlalinnik allannguiteqarfigaat. Naalakkersuisut taamani aaqqissusseqqiinernik taavaat. Aaqqissusseqqiinernik taassallugit immaqa ingappoq, tassami taakku aaqqissusseqqiinernik taaneqartut inuiaqatigiit aningaasaqarniarnerannut ajornerulersitsisussaammata. Pisariaqartinngilluinnagarput, suliffissarsiortunullu ikorsiissutinut allanngutissat kingunerissavaat, sulilernissaq pilerinarnerussanngitsoq, pisortanit pilersorneqarnermiit.

Taamaattumik qularutigineqassangilaq, Demokraatit suiffissarsiortunut ikorsiissutit pillugit inatsit qularnartitorujussummassuk.

Taamatut oqareerluta, isumaqarpugut, inatsimmi silatusaarnerit ilagigaat qaqugukkulluunniit tamanut ammasumik suliffissarsiortutut nalunaarsortinnermut inatsit. Isumaqaannarpugut, pissusissamisoortoq, suliffissarsiortoq, pisortanit pisartagaqartoq, ilumut suliffissarsiortuusariaqartoq. Tassanilu qaqqukkulluunniit tamanut ammasumik suliffissarsiortutut nalunaarsorneqarsimalluni.

Naalakkersuisut isumaqatigaagut, tulluanngitsoq, inatsisimmi nittartagaq aalajangersimasoq pineqarmat, digitalikkut siuariartornerup kingunerisinnaammagu, siunissami toqqassagipput, pisortat suliffissarsiortutut nalunaarsortinnissamut nittartagaa allatut ingerlassasoq aalajangersimasumik nittartakkaminngarnik.

Tamanna tunngatigalugu inatsisip allanngortinnejarnissaanik siunnersuut isumaqatigalugu nalunaarutigaarput.

Siunnersuutip ataatsimiitaliamut susassaqartumi suliareqqinnejarnissaa innersuussutigaarput.